



22. november 2012

Inatsisartut suleriaasianni § 37 naapertorlugu matumuuna Naalackersuisunut apeqqutit imaattut saqqummiuppakka:

**Kalaallit Nunaat Naalagaaffiit Peqatigiit imminnut iluanaartinniarluni atornerluisarnermut isumaqatigiissutaanut ilaanersoq pillugu apeqqutit**

1. Kalaallit Nunaat Naalagaaffiit Peqatigiit imminut iluanaartinniarluni atornerluisarnermut isumaqatigiissutaanut Danmarkip 2005-imi atuutilersitaanut ilaatinneqarpa?  
Naalackersuisut tamatumunnga angissagunik, imaluunniit Kalaallit Nunaat Naalagaaffit Peqatigiit imminut iluanaartinniarluni atornerluisarnermut ilaatinneqanngippat, tulliuuttut akineqarnissaat kissaatigineqarpoq:
2. Sooq Kalaallit Nunaat ilaatinneqanngila?
3. Danmarkip Naalagaaffiit Peqatigiit imminut iluanaartinniarluni atornerluisarnermut isumaqatigiissutaanut ilanngunneranut atatillugu Kalaallit Nunaat, tassungalu ilanngullugit Kalaallit Nunaanni Namminersorlutik Oqartussat, aamma/imaluunniit Kalaallit Nunaanni Namminersornerullutik Oqartussat tusarniaaffigineqarsimappat?
4. Tusarniaaneq sumi piva, imaluunniit naalackersuisoqarfiup sorliup tusarniaaneq ingerlappaa, kinalu tusarniaanermut tassunga taassumalu inerneranut akisussaava?
5. Tusarniaaneq akissuteqarfigineqarsimanngippat, sooq tusarniaaneq akineqarsimanngila, tamatumunnga suna tunngavigineqarpa, tamannalu allakkatigut tunngavilersorneqarsimava?
6. Siuliani Naalagaaffiit Peqatigiit isumaqatigiissutaata Kalaallit Nunaanni atuutilersinneqarsimannginnera pillugu apeqqutigineqartut ilaat aappimik akineqarsinnaappata, isumaliutersuutit suliniutillu suut tamatumani isumaliutaappataamma pineqartoq pillugu Kalaallit Nunaanni inatsisiliornermut tunngatillugu aammalu assersuutigalugu suliniutinut angisoorsuarnut inatsimmut tunngatillugu?
7. Naalagaaffiit Peqatigiit imminut iluanaartinniarluni atornerluisarnermut isumaqatigiissutaa Kalaallit Nunaannit ilannguffigineqarnissaa pillugu Naalackersuisut isumaliutersuuteqarpat? Taamaattoqanngippat, tamatumunnga tunngatillugu suut tunngavigineqarpat?
8. Naalackersuisut aappimik akisinnaanerminni, Naalagaaffit Peqatigiiffiata imminut iluanaartinniarluni atornerluisarnermut isumaqatigiissutaanut atatillugu malitassiat suut Naalackersuisut isumaliutiminnut atatillugu Kalaallit Nunaanni innuttaasunut saqqummiutilersaarpaat, suut ullumikkut atuutilersinneqassamaarpat, suullu siunissami atuutilissappat?

**Tunngavilersuut:**

Apeqqutigisakka aqutigalugit Naalackersuisut nunatsinni imminut iluanaartinniarluni atornerluisarnermut isumaqatigiissummik atuutilersitsinissamut atatillugu, tassungalu ullumikkut siunissamilu akiuiniarluni inuiaqatigiit, innutaasut nunarpullu sinnerlugu sunik suliaqarnersut paaserusuppara. Taamattaq innuttaasut inatsisiliornermi, sulisartoqarnermi, aatsitassarsiornermi

kiisalu inuiaqatigiit aaqqissuussaananeranni ullumikkut siunissamilu pissutsit suut atuunnerannik erseqqissumik paasisaqarnissamut periarfissinneqarnissaat kissaatigaara.

Naalakkersuisut akissutaata ullut suliffiusut qulit iluanni tiginissaa qilanaaraara.

Inussiarnersumik inuulluaqqusillunga

Akitsinnguaq Olsen

Siumut sinnerlugu Inatsisartunut ilaasortaq